

665. *Chondrorhyncha Endresii* Schltr. nov. spec. — Epiphytica, acaulis, 25—35 cm alta; rhizomate valde abbreviato; radicibus filiformibus, flexuosis, glabris; foliis in quoque surculo c. 4, erecto-patentibus, basi vaginis amplexantibus protectis, anguste lineari-lanceolatis, acuminatis, basin versus sensim angustatis, usque ad 33 cm longis, medio fere 2,2—2,7 cm latis; inflorescentiis ex axillis vaginarum 1—2-nis, adscendentibus, unifloris, pedunculo gracili, 5,5—7 cm longo, vaginis

paucis dimidio inferiore ornato, glabro; bractea ovali, breviter acuminata, ovario pedicellato fere 3-plo brevior; flore in genere inter minores, fide collectoris, albo, tenui, glabro; sepalis anguste oblongis, obtusis, c. 2,4 cm longis, lateralibus obliquis, reflexis; petalis oblique oblongis, obtusis, basi decurrentibus, margine leviter undulatis, quam sepala subaequilongis, sed latioribus; labello curvato, dimidio inferiore concavulo, vi explanato late subquadrato-ovali vel suborbiculari, dimidio anteriore vulgo paulo dilatato, margine crispato-undulato denticulato, callo crassiusculo, oblongo, apice breviter et obtuse bilobulato usque infra medium et area semilunata dense verruculosa incrassata anteposita ornato, dimidio inferiore sparsim et obscure subverruculoso, 2—2,4 cm longo, supra medium 1,5—2 cm lato; columna semitereti, apicem versus paululo dilatata, glabra, c. 1,2 cm longa, pede glabro; ovario pedicellato, glabro, c. 1,7 cm longo.

Costa Rica: Ohne nähere Standortsangabe — Endres no. 166 (in Herb. Reichenbach). — Durch die Form der Lippe mit der dicken länglichen, vorn stumpf-zweilappigen Schwiele ist diese Art sehr gut gekennzeichnet.